

ORDENANZA REGULADORA DA
ACTIVIDADE E FUNCIONAMENTO
DOS ESTABLECEMENTOS
DENOMINADOS FURANCHOS

**EXCLUIDOS**

ALONSO RODRIGUEZ ARTURO
VALVERDE MOREIRA SANTIAGO

Segundo: Designar a los componentes del tribunal que estará formado por los siguientes miembros:

PRESIDENTE: D. Carlos Vilar Guerra. Encargado Vías y Obras.

Suplente: D. Javier Pousa Valverde. Vías y Obras.

VOCALES: D. Javier Fernández González. Encargado Servicio Electricidad.

Suplente: Miguel Cedeira Silva. Servicio Electricidad.

D. José Manuel Pousa Rodríguez. Administrativo Concello Baiona.

Suplente: D^a.M^a Luz de la Iglesia López. Aux. Administrativo Concello de Baiona.

D. Rafael Vilar Pino. Administrativo Concello de Baiona.

Suplente: D^a Gema Marcote Carballo. Aux. Administrativo Concello de Baiona.

SECRETARIA: D^a Susana Gallardo Fariña. Secretaria de la Corporación.

Suplente: D^a Rosa del Riego Santos. Interventora Concello de Baiona.

TERCERO.— Convocar a los miembros del Tribunal para el próximo miércoles día 27 de noviembre a las 16:30 horas en el Salón de Plenos del Ayuntamiento, para su constitución y valoración de los méritos aportados por los aspirantes presentados.

CUARTO.— Convocar a todos los aspirantes admitidos para el próximo lunes día 9 de diciembre, a las 16:30 horas, en el Centro de Usos Múltiples "Ángel Bedriñana" (Plaza Abastos de Baiona), para la realización del primer ejercicio tipo test, de carácter obligatorio y eliminatorio, según base décimo cuarta de la convocatoria.

TERCERO.— Publicar esta Resolución en el Boletín Oficial de la Provincia, en el Tablón de Anuncios del Ayuntamiento y en la página web.

Baiona, 14 de noviembre de 2013.—El Alcalde, Jesus Vázquez Almuiña.

2013010131

* * *

B U E U**ANUNCIO APROBACIÓN DEFINITIVA ORDENANZA REGULADORA DA ACTIVIDADE E FUNCIONAMENTO DOS ESTABLECEMENTOS DENOMINADOS FURANCHOS, DO CONCELLO DE BUEU (PONTEVEDRA)**

Mediante acordo adoptado polo Pleno da Corporación Municipal en sesión celebrada con carácter ordinario o 1 de Marzo de 2013, aprobouse inicialmente a ordenanza reguladora da actividade e funcionamento dos establecementos denominados Furanchos do Concello de Bueu (Pontevedra).

Sometido ó trámite de información pública, de conformidade co establecido no artigo 65.2 da Lei 7/1985 de 2 de Abril reguladora das bases de Réxime Local, mediante anuncio publicado no Boletín Oficial da Provincia con data 3 de Maio de 2013 e no Taboleiro de anuncios do Concello de Bueu por un prazo de trinta días a efectos do seu exame polos interesados e presentación das reclamacións que se consideren, non consta que neste prazo foran presentadas reclamacións ás mesmas, polo que o acordo provisional adoptado polo Pleno da Corporación Municipal de modificación das Ordenanzas Fiscais, enténdese aprobado definitivamente.



Procede en consecuencia, e de conformidade co disposto no art. 70.2 da Lei 7/1985 de 2 de Abril, reguladora das Bases de Réxime Local, a publicación íntegra desta Ordenanza, nos seguintes termos:

**ORDENANZA REGULADORA DA ACTIVIDADE E FUNCIONAMENTO DOS ESTABLECEMENTOS
DENOMINADOS FURANCHOS DO CONCELLO DE BUEU (PONTEVEDRA)**

ARTIGO 1. OBXECTO

1. Esta ordenanza ten por obxecto a regulación da actividade e funcionamento dos establecementos denominados furanchos, situados no Concello de Bueu (Pontevedra)

2. Para este obxecto, considéranse furanchos os locais utilizados principalmente como vivenda privada pero onde os seus propietarios/as venden o excedente do viño da colleita propia, elaborado na casa para o seu consumo particular, xunto coas tapas que, como produtos alimenticios preparados regularmente por eles/elas, sirvan de acompañamento. A estos efectos, terá a consideración de excedente do consumo propio unha cantidade de viño que non exceda da que se obteña de aplicar á superficie do seu viñado un rendimento máximo de 0,65 litros por metro cadrado.

ARTIGO 2. ÁMBITO DE APLICACIÓN

Esta ordenanza será aplicable a aquelas casas particulares ou dependencias vinculadas a elas que teñan a consideración de furancho según o establecido no artigo anterior e estean sitas no Concello de Bueu, sen ningunha outra limitación territorial no que respecta á delimitación dos furanchos polo termo municipal de Bueu.

ARTIGO 3. COMPETENCIAS

2. É competencia do Concello de Bueu no que respecta á regulación dos furanchos:

- a) A adaptación do réxime xeral regulador dos furanchos, por medio desta ordenanza municipal.
- b) A delimitación das zonas concretas do seu territorio onde se poden autorizar estes establecementos.
- c) A xestión administrativa dos expedientes municipais derivados do inicio das actividades, períodos de apertura ou peche anticipado dos establecementos, así como a transmisión, cambios de funcionamento ou cese da actividade destes establecementos.
- d) A creación e levanza do Rexistro municipal de furanchos.
- e) O réxime de infraccións e sancións aplicable no suposto de incumprimento do establecido nesta Ordenanza e o exercizo da potestade sancionadora.
- f) As funcións de inspección, vixilancia e control permanente do exercizo das actividades desenvolvidas nos furanchos, polos titulares destes establecementos.

ARTIGO 4. REQUISITOS

1. Os requisitos que deben cumprir estes establecementos son os seguintes:

- a) O viño subministrado non pode ser embotellado senon que debe proceder do barril directamente. Poderán ofertarse ata un máximo de cinco tapas escollidas dentre as enumeradas no anexo I, sin que en ningún caso poida ofrecerse outra clase de produtos alimenticios.
- b) Antes de iniciar a súa tempada de funcionamento e, en todo caso, unha vez o ano, todos os furanchos acreditarán ter feita a declaración obrigatoria do sector vitivinícola ante o órgano correspondente de la consellería competente en materia de agricultura. Sen este requisito previo o furancho non poderá iniciar a súa tempada de funcionamento, salvo nas excepcións previstas de conformidade coa normativa vitícola.



- c) En todo caso, os/as titulares dos furanchos deben ter regularizado a totalidade do seu viñado no Rexistro Vitícola de Galicia, de conformidade coa normativa vitícola vixente.
- d) Os/as titulares dos furanchos deberán observar os requisitos sanitarios establecidos no capítulo III e nos capítulos V a XII do anexo II do Regulamento 852/2004, de 29 de abril, relativo á hixiene dos produtos alimenticios, sempre que se cumpra que a actividade que leva a cabo o establecemento se axusta ao indicado no capítulo III, así como, tendo en conta a actividade que desenvolve en cada caso, os establecidos no Real decreto 3484/2000, de 29 de decembro, polo que se establecen as normas de hixiene para a elaboración, distribución e comercio de comidas preparadas.
- e) Os/as titulares dos furanchos deberán observar a normativa técnica vixente en prevención e protección contra incendios e a sanitaria fronte ao tabaquismo.

ARTIGO 5. RÉXIME DE INICIO DE ACTIVIDADE

1. Para o exercizo da actividade, terán a condición de persoas interesadas as que acrediten a titularidade de viñedos propios no Rexistro Vitícola de Galicia. Estas deberán presentar unha declaración responsable previa del cumprimento de los requisitos recollidos no artigo anterior e do seu mantemento durante todo o tempo no que se desenvolva a súa actividade, segundo o modelo oficial de declaración responsable previa do anexo II.

2. Dita declaración responsable previa terá os efectos e alcance previstos no artigo 71 bis da Lei 30/1992, de 26 de novembro, de réxime xurídico das administracións públicas e do procedemento administrativo común.

3. Con dita declaración responsable previa terán que aportar a seguinte documentación:

- a) Fotocopia compulsada do DNI do/da solicitante, salvo autorización expresa de consulta dos seus datos conforme al Decreto 255/2008, de 23 de outubro, polo que se simplifica a documentación para a tramitación dos procedementos administrativos e se fomenta a utilización de medios electrónicos.
- b) Fotocopia compulsada do título ou contrato que acredite a dispoñibilidade do establecemento por parte do/da solicitante para a súa utilización como furancho.
- c) Documentación acreditativa de ter declarados os viñedos no Rexistro Vitícola de Galicia, da consellería competente en materia de agricultura.
- d) Documentación acreditativa de ter realizadas as declaracións obrigatorias do sector vitivinícola á consellería competente en materia de agricultura, salvo as excepcións previstas de conformidade con a normativa vitícola vixente.
- e) Documento que acredite a suscripción dunha póliza de seguro de responsabilidade civil, así como o correspondiente recibo de pago da prima que acredite a súa vixencia.
- f) Documento acreditativo do pago da taxa correspondente (Ordenanza Fiscal nº8 de taxa por licenza de apertura de establecementos, art.5.8).
- g) Sinalamento da elección do período de apertura nos termos establecidos no punto del presente decreto.
- h) Proxecto técnico asinado por facultativo/a competente con pronunciamento expreso sobre o cumprimento da normativa técnica vixente en prevención y protección contra incendios, a sanitaria fronte ao tabaquismo, así como aquela que resulte legalmente aplicable.
- i) Análise do viño posto á venda, por parte de enólogo colexiado aos efectos.
- j) Memoria descriptiva da cantidade de viño posto á venda, número de barrís utilizados para almacenar o viño e capacidade dos mesmos.

*ARTIGO 6. ACTUACIÓN ADMINISTRATIVA DE COMPROBACIÓN*

1. Presentada a declaración responsable previa e demais documentación enumerada no art. 5, o Concello de Bueu comprobará o cumprimento dos requisitos, no prazo de seis meses contados desde a entrada da documentación no rexistro do Concello e resolverá sobre a conformidade ou non do declarado.
2. A comprobación da inexactitude, falsidade ou omisión, de carácter esencial, dos datos declarados, ou o incumprimento dos requisitos que resulten de aplicación, determinarán a imposibilidade de continuar co exercizo da actividade desde o momento no que se teña constancia de tales feitos, con aplicación, previa incoación e instrución do correspondente procedemento administrativo sancionador, sen perxuízo das responsabilidades penais, civís ou calquera outras de natureza administrativa.
3. Co obxecto de facilitar el control a instancia de las inspecciones administrativas, todos los furanchos tendrán un distintivo oficial que se renovará anualmente.

ARTIGO 7. TEMPADA DE FUNCIONAMIENTO

1. Establécese, con carácter xeral, o inicio da tempada anual de funcionamento dos furanchos o 1 de decembro, e a súa finalización o 30 de xuño.
2. Excepcionalmente, a persoa titular del furancho que quera modificar este período de apertura deberá solicitalo de forma motivada para cada ano de actividade, pero nunca poderá ser máis alá do 31 de xullo.

ARTÍCULO 8. ELECCIÓN DEL PERÍODO DE APERTURA

O período de apertura dos furanchos non poderá ser superior aos tres meses e, en todo caso, estará comprendido na tempada de funcionamento seguinte: do 1 de decembro ao 30 de xuño. Os/as titulares dos furanchos farán constar, xunto coa declaración responsable previa e demais documentación esixida, o período de funcionamento pretendido.

ARTIGO 9. PECHE ANTICIPADO

O esgotamento ou falta de colleita de viño nun ano será causa xustificada para o pechee do establecemento, sen que supoña baixa da actividade. Non obstante, o/a titular estará na obriga de comunicar tal circunstancia ao Concello de Bueu, para a correspondente anotación rexistral do pechee temporal no prazo de 10 días contados con anterioridade á data prevista para o peche.

ARTIGO 10. REXISTRO MUNICIPAL

1. Polo Concello de Bueu crearase un rexistro de furanchos para a inscrición de oficio de todos os furanchos que, cumprindo co disposto nesta ordenanza, radiquen no ámbito territorial do Concello de Bueu. Do mesmo se lles dará traslado aos órganos competentes en materia de turismo, medio rural e sanidade.
2. Os datos que deben constar necesariamente no rexistro de furanchos do Concello de Bueu son os seguintes:
 - Nome do titular do furancho;
 - DNI do titular do furancho;
 - Denominación/nome do furancho;
 - Domicilio;
 - Confirmación de ter regularizada a totalidade da súa viña no Rexistro Vitícola de Galicia, de conformidade coa normativa vitícola vixente.



- Confirmación de ter contratada unha póliza de seguro de responsabilidade civil.
- Confirmación de ter realizada a declaración responsable.
- Confirmación de que o establecemento cumpre os requisitos mínimos exixidos no decreto.
- Período de apertura do furancho.

ARTIGO 11. OBRIGAS DAS PERSOAS TITULARES DOS FURANCHOS

As persoas titulares dos furanchos deberán observar as obrigas recollidas no artigo 35 da Lei 7/2011, do 27 de outubro, de turismo de Galicia, na medida en que non sexan contrarias á singularidade destes locais e, en particular, as seguintes:

1. Velar polo bo estado xeral das dependencias e polo mantemento das instalacións e servizos do furancho e garantir un trato correcto á clientela.
2. Informar previamente con obxectividade e veracidade a clientela sobre o réxime de servizos que se ofertan no local, as condicións de prestación destes e o seu prezo e forma de pagamento.
3. Ter á disposición das persoas usuarias follas de reclamacións e facer entrega dun exemplar cando lles sexa solicitado.
4. Emitir xustificante de pagamento que detalle os servizos, de conformidade cos prezos ofertados ou pactados.
5. Os locais exhibirán nun lugar visible o ramallo de loureiro co que tradicionalmente se identifican os furanchos.
6. Os/as titulares dos furanchos deberán ter contratada unha póliza de seguro de responsabilidade civil que cubra os danos corporais, materiais e os prexuízos económicos que deriven do desenvolvemento da súa actividade, de acordo co que se determine nas ordenanzas municipais.

ARTIGO 12. DEREITOS E OBRIGAS DOS USUARIOS E USUARIAS

As persoas usuarias destes locais terán os dereitos e obrigas que o título II da Lei 7/2011, do 27 de outubro, de turismo de Galicia, prevé para os usuarios e usuarias turísticos, sempre que sexan compatibles coas peculiaridades destes locais.

ARTIGO 13. TRANSMISIÓN

1. O/a novo/a titular deberá comunicar a transmisión do furancho ao concello de Bueu, que lles dará traslado ás consellerías ou órganos competentes en materia de turismo, medio rural, facenda e sanidade, para o que achegará a seguinte documentación:

- a) Comunicación previa de cambio de titularidade segundo o modelo oficial que consta no anexo III.
- b) Fotocopia compulsada da documentación acreditativa da dita transmisión ou, de ser o caso, da acreditación da dispoñibilidade do inmovible polo/a novo/a titular.
- c) Póliza de seguro de responsabilidade civil, nos termos establecidos no artigo 11, a nome do/a novo/a titular.
- d) Documento acreditativo do pagamento da taxas correspondente (Ordenanza Fiscal nº8 de taxa por licenza de apertura de establecementos, art. 5.8).

ARTIGO 14. NOTIFICACIÓN DE CAMBIOS E COMUNICACIÓN DO PECHÉ DO ESTABLECEMENTO

1. As persoas titulares dos furanchos están obrigadas a comunicarlle ao concello de Bueu, mediante o modelo oficial que consta no anexo III, calquera cambio que afecte o seu funcionamento, xuntando a documentación xustificativa do cambio pretendido, así como o cesamento definitivo da súa actividade, no prazo de 10 días contados con anterioridade á data prevista para o peche. Pola súa banda, o concello notificará tales cambios ás consellerías ou órganos competentes en materia de turismo, medio rural, facenda e sanidade.



2. Poderase decretar a baixa de oficio cando o Concello de Bueu teña constancia do cesamento da actividade por non se producir a apertura durante os períodos autorizados sen causa xustificada, ou cando o establecemento deixe de cumprir, de maneira grave e inxustificada, algún dos requisitos e condicións exixidos para o exercicio da súa actividade.

ARTIGO 15. INSPECCIÓN, VIXILANCIA E CONTROL

O concello de bueu unha vez recibida comunicación de inicio de actividade de furancho dentro do seu termo municipal, deberá vixiar e garantir o debido cumprimento polos/as titulares destes establecementos do preceptuado nesta ordenanza e demais normas que resulten de aplicación, sen prexuízo das facultades de inspección que lle poidan corresponder á Administración autonómica en función da materia, singularmente no que respecta á inspección turística.

ARTIGO 16. INFRACCIÓNS E SANCIÓNS

O incumprimento do preceptuado nesta Ordenanza dará lugar á aplicación da normativa sancionadora vixente no ámbito das competencias sectoriais propias das administracións afectadas, de conformidade coas infraccións e sancións tipificadas na Lei de turismo de Galicia.

ARTIGO 17. INTRUSIÓN PROFESIONAL

A realización ou a publicidade, por parte dos furanchos, da actividade propia das empresas de restauración reguladas na Lei 7/2011, do 27 de outubro, de turismo de Galicia, en contravención dos requisitos que lles son exixibles para o seu inicio, terán a consideración de intrusión profesional e sancionaranse administrativamente consonte o previsto na Lei de turismo.

ARTIGO 18. SUXEITOS RESPONSABLES

1. Serán responsables administrativamente das infraccións cometidas nas materias relacionadas co funcionamento dos furanchos as persoas que figuren como titulares destes.

2. No caso de que sexan varias as persoas titulares, responderán de forma solidaria das infraccións cometidas e das sancións que se imponhan ao respecto.

ARTIGO 19. CONCORRENCIA DE SANCIÓNS E VINCULACIÓNS COA ORDE XURISDICIONAL PENAL

1. Non se poderán sancionar simultaneamente uns mesmos feitos constitutivos de infraccións penais e administrativas, nos casos en que se aprecie identidade de suxeito, feito e fundamento.

2. Se da investigación dos feitos constitutivos das infraccións tipificadas nesta Ordenanza se obteñen indicios de que estes poden constituír delito ou falta, suspenderase o procedemento e daráselle conta ao Ministerio Fiscal, sen prexuízo da adopción das medidas provisionais oportunas.

ARTIGO 20. INFRACCIÓNS LEVES

Considéranse infraccións administrativas de carácter leve as previstas no artigo 109 da Lei de turismo de Galicia e, en particular, as seguintes:

- a) A modificación do período de apertura sen presentar unha nova solicitude ao Concello.
- b) A falta de comunicación ao Concello de Bueu nos supostos de transmisión e cambio da titularidade do furancho.
- c) A falta de comunicación ao Concello de Bueu de calquera cambio que afecte o funcionamento do furancho, así como o cesamento da súa actividade, e a motivación dos ditos feitos.
- d) Non mostrar o distintivo oficial na entrada do furancho.

**ARTIGO 21. INFRACCIÓNS GRAVES**

Considéranse infraccións administrativas de carácter grave as previstas no artigo 110 da Lei de turismo de Galicia e, en particular, as seguintes:

- a) A subministración de viño embotellado.
- b) A non presentación da declaración responsable previa ou da documentación exixida no artigo 5 desta Ordenanza.
- c) A venda de viño non orixinario do excedente do consumo propio procedente exclusivamente das súas viñas.

ARTIGO 22. INFRACCIÓNS MOI GRAVES

Considéranse infraccións administrativas de carácter moi grave as previstas no artigo 111 da Lei de turismo de Galicia.

ARTIGO 23. SANCIÓN

A comisión das infraccións tipificadas na presente ordenanza será obxecto da correspondente sanción e graduación administrativa, de conformidade co establecido na Lei de turismo de Galicia.

ARTIGO 24. PRESCRICIÓN

As infraccións moi graves prescribirán aos tres anos, as graves, aos dous, e as leves, ao ano.

As sancións impostas por faltas moi graves prescribirán aos tres anos, as impostas por faltas graves, aos dous anos, e as impostas por faltas leves, ao ano.

ARTIGO 25. COMUNICACIÓNS

1. O concello de Bueu que, no desenvolvemento do seu labor inspector, detecten incumprimentos do disposto nesta Ordenanza, está na obriga de informar inmediatamente a autoridade autonómica competente na materia de que se trate.

2. Do mesmo xeito, no suposto de ter coñecemento da prestación nos furanchos de servizos de restauración sen estaren clasificados nalgún dos grupos de empresas de restauración que recolle o artigo 77 da Lei 7/2011, do 27 de outubro, de turismo de Galicia, o Concello de Bueu porano en coñecemento do órgano competente en materia de turismo de forma inmediata.

A N E X O I***Tapas que poderán ofrecer os furanchos***

1. Táboa de embutidos-queixos.
2. Pementos, variedade Padrón.
3. Orella-chourizo.
4. Zorza-raxo.
5. Costela.
6. Ovos fritos.
7. Sardiñas ou xurelos á grella.
8. Callos con garavanzos ou feixóns.
9. Tortilla de patacas.
10. Empanada-empanadillas.
11. Croquetas.



ANEXO II

Modelo de declaración responsable

Datos da persoa declarante:

Nome e apelidos:		Como titular:
		NIF/NIE:
Domicilio:		Localidade:
Código postal:	Provincia:	Concello:
Teléfono:	Fax:	Correo electrónico:
<p>DECLARO, baixo a miña responsabilidade:</p> <p>Que se cumpren os requisitos necesarios para o exercicio da actividade de furancho e que se manterán durante o desenvolvemento desta.</p>		
<p>Lexislación aplicable:</p> <p>Decreto 215/2012, do 31 de outubro, polo que se regulan os furanchos da Comunidade Autónoma de Galicia.</p> <p>Ordenanza Municipal reguladora da actividade e funcionamento dos establecementos denominados furanchos do Concello de Bueu</p>		
<p>Protección de datos:</p> <p>Todos estes datos quedan protexidos ao abeiro da Lei orgánica 15/1999, do 13 de decembro, de protección de datos de carácter persoal, especialmente do artigo 10 (o responsable do ficheiro e quen interveña en calquera fase do tratamento dos datos de carácter persoal están obrigados ao segredo profesional no que se refire aos datos e ao deber de os gardar, obrigas que subsistirán mesmo despois de finalizaren as súas relacións co titular do ficheiro ou, se é o caso, co seu responsable).</p>		
Sinatura:		
En Bueu, ade de		



ANEXO III

Comunicacións de cambios, baixas de actividade e transmisións de titularidade

Datos da persoa declarante:

Nome e apelidos:		Como titular do furancho:
		NIF/NIE:
Domicilio:		Localidade:
Código postal:	Provincia:	Concello:
Teléfono:	Fax:	Correo electrónico:
<p>EXPÓN: Que pretende realizar as seguintes comunicacións: Titular: _____ Denominación: _____ Baixa: o mencionado furancho cesa na súa actividade con data do _____ Outras: Transmisión da titularidade en favor de : _____ Cambios na licenzia actual: _____ Por todo iso, SOLICITA: Que se teñan por realizados os cambios enunciados e así consten no Rexistro Municipal.</p>		
<p>Lexislación aplicable: Decreto 215/2012, do 31 de outubro de 2012, polo que se regulan os furanchos da Comunidade Autónoma de Galicia. Ordenanza Municipal reguladora da actividade e funcionamento dos establecementos denominados furanchos do Concello de Bueu</p>		
<p>Protección de datos: Todos estes datos quedan protexidos ao abeiro da Lei orgánica 15/1999, do 13 de decembro, de protección de datos de carácter persoal, especialmente do artigo 10 (o responsable do ficheiro e quen interveña en calquera fase do tratamento dos datos de carácter persoal están obrigados ao segredo profesional no que se refire aos datos e ao deber de os gardar, obrigas que subsistirán mesmo despois de finalizaren as súas relacións co titular do ficheiro ou, se é o caso, co seu responsable).</p>		
<p>Sinatura: En Bueu, ade de</p>		

En Bueu, a sete de novembro de 2013.—O Alcalde, Félix Juncal Novas.

2013010337

